

671.3411
076
:2

泌陽縣志

卷三
卷四

汝陽縣志卷二

災祥志

傳曰天道恒象休咎徵於人妖祥應於天豈虛也
哉春秋之法書有年書大水非襍祥小數蓋亦惟
是察時變慎刑賞借以爲省身修政之助泌蕞爾
邑証洪範傳援天官書拘已然殃慶類至符應之
理不爽也故雖細必書或者監戒於是而水旱有
備札瘥無虞也乎志災祥

明

成化八年冬雪深數尺民死於饑寒者甚多

宏治元年九月甘露降於儒學柏樹上

萬曆二十一年儒學及東司柏樹墜甘露人以為瑞次年大饑
四十五年旱蝗遍野邑侯周公捕之是秋大豐

天啟元年大蝗

崇禎元年冬地震

二年夏邑北古城地裂數尺

五年六月冰雹

十四年旱蝗爲災

國朝

順治三年夏六月大蝗自東來有禿鴉追食之蝗盡

滅

五年高邑店冰雹其大如卵

八年辛卯甘露降於儒學

九年天災牛病死荒爲甚

十年秋七月迅雷烈風大木盡拔

十八年辛丑數月不雨八月顆粒無收

康熙五年丙午五月丙午夜有烈風自城西南來拔

汝陽縣志 卷三
木頽垣縣門東石坊傾倒穿城突向東北去毀壞
女牆城外東嶽廟又摧石碑

七年戊申六月戊寅夜地震二次七月庚子有火
下墜如斗忽變而爲氣色白漸黃先小後大若雲
如龍夜分始散

二十年辛酉八月有氣經天自西南衝向東北望
之如白練

二十六年丁卯春三月儒學明倫堂前柏樹雲氣
下覆祥光鷲鷲五六日不散

二十八年己巳五月庚子郭奉文妻程氏一產三男 巡撫閻公

題奏頒米布優給

三十五年四月初六日地微動

五十年夏六月旱蝗署泌陽縣事葉縣知縣栢之模四鄉捕之

五十一年四月蝗復生知縣程儀千督率人夫於泉水廟牛蹄鋪泰山廟等處捕之倣古者焚瘞之法蝗遂絕盤古山一帶蝗生有烏鴉數千逐蝗食

之盡民以爲異

五十四年四月羊册保冰雹爲災長二十里廣七里知縣程儀禾詳請發倉穀以賑焉

五十七年閏八月淫雨損禾

六十一年三月大風三日傷麥

雍正元年三月朔晝晦

二年二月日月合璧五星如連珠會於娵訾十二
月夜暴雨大轟雷

三年人多疾疫

四年夏邑東白雲山崩

九年大有年嘉禾合穎

十一年大有年麥秀兩歧

乾隆五年春大風三晝夜

八年有年

九年夏大雨官庄村西石河蝦蟆墓無數渡水而過

十一年牛疫傳染妨於耕種

十七年春大雪蟲傷麥

二十四年歲大熟

二十六年夏大雨泌水泛溢至城南門

三十年歲歉米貴

三十九年大有年

四十七年有秋

五十年春旱秋大旱

五十一年春大饑人相食夏大疫死者無數秋蝗
食禾盡

五十二年大有年

五十六年夏城北陳家樓怪風毀折房屋先是村

百里許有巨湫爲漁者網擄之所是日漁人劉棟見魚鼈浮於水面恣取不盡更於陳樓招徒偕二人廣携漁具或泅湫中深處有巨鱗觸手謀又取之鋒鋸刃利透甲而入二人併力重不可舉俄而波湧如沸水光若錦亟委之遁去而烏雲濃霧自湫騰起烈風震盪至陳家樓掀房拆屋勢若山頽有童子牧牛猝不能避亟雙手抱樹得以無恙而牛爲風刮去在四五里外二時方定然其地僅七八里之近此外晴霽如常方被災時人遠望之

但見黑霧漫空中有白氣二條粗如梓椀蜿蜒上下或曰此悞觸龍之怒也

五十八年冬無雨雪

五十九年十里舖牌民李和妻一產三男

嘉慶元年夏大霖雨

二年春二月楚匪竄入泌境破沙河店殺戮甚慘

三年冬十二月日生三暈

四年夏霖雨傷禾

七年夏五月鞠華秋九月桐華

八年夏麥秀兩歧

九年春正月雷

十一年大饑四鄉困糧之家多被搶劫

十六年春正月至夏四月無雨麥俱未收

十七年夏疫

十八年春螟傷禾夏大旱窮民相聚搶糧拿獲無

筭冬十二月地震

十九年春正月雷是時饑饉相仍麥價每斗錢三千六百文粟米每升錢三百四十文三月大瘟疫

夏大旱秋禾未收冬十一月大雪平地尺餘

二十年春二月大雷雨

二十四年武生譚彤五世同堂巡撫部院姚 奏

准按照年歲給與緞疋銀兩賞給慶洽曾元匾額

二十五年夏六月地震秋七月太白晝見

道光元年春正月十六日雷夏四月日月如合璧五

星若連珠

三年春正月大雪連月平地深尺餘

四年夏六月朔日食既白晝晦暗秋大熟

六年春二月二十八日酉刻空中有大球大如椀
自東而西去地約三丈餘

七年春正月初三日天鼓鳴初四日生三暈夏五
月天鼓鳴甚秋九月初六日太陽四旁生六環俱
白色

冬十一月朔大霧

八年夏六月大雨水城南泌河泛溢沖壞園圃甚
多坍塌墻垣無數十七日午後大風雷電震死村
民二人牛一頭拔樹數十株有合抱者初高邑鎮

村外有古栗樹一株太十圍中空是日正午村人
或見樹中烟出如炊瀾漫至頂俄有黑雲覆之雷
聲隱隱衆咸驚視見烟雲迷離中若數十燈球連
綴而起長約丈餘應時風霆大作將樹拔起數十
丈從空擲下風雲雷電合勢奔騰瞬息之間已至
西南四十里外所震死人皆雷電所經過處也

舊志止於康熙五十四年此後苦於無徵者民
李志興年八十餘有筆記一帙多載邑中舊事
篇中所續採錄爲多

兵燹附

嘉慶元年三月棗陽縣教匪作亂掠七坊圍焚雙溝鎮破當陽縣官軍勦捕十月竄入唐縣之湖河鎮南陽唐縣泌陽桐柏各邑咸爲防禦之計賊屯聚月餘復折而南

二年二月初十日楚匪數千犯桐栢平氏鎮鎮距泌邑七十里民大驚駭紛紛逃避城中寺廟幾無隙地南陽總鎮王帶兵追捕逆匪始遁

三月初三日楚匪自邑東桐境之迴龍寺竄入確

境溝竹鎮初十日夜至泌邑沙河店大肆焚戮鄉
勇崔枚父子當商裴涑桐俱被殺死驅老弱婦女
戮於河干水爲之赤

三月十三日又一股賊自邑南大磨街趨城南五
里堡東由馬谷田循山麓過春水鎮西竄出境城
上望之漫散無紀或策蹇驢載婦孺焉蓋初十日
所遇皆賊之精銳此或是其家口

三月十六日邑民於郭外獲逆党六名皆受傷死
餘賊由裕州方城山西竄各邑始解嚴

風土志 物產附

按史記南陽本夏禹之國夏人政尙忠朴猶有先王遺風沁俗淳沕無鬻利機巧之習但地窘水陸人拙變通年豐則粟無斗儲年凶則室如懸磬兼有晉楚流氓雜居貿易或冒偽飾之禁而倍蕪射利或乘鄉民緩急而稱貸取盈因之風氣日以澆物力日以劫矣記曰修其教不易其俗齊其政不易其宜然則相風土之變遷而因勢利導司牧者尙加之意哉志風土

風土

正月元旦雞鳴盥櫛陳牲設醴祀神祭先競燃爆竹
飲春酒食餛飩凡宗族親友鄉黨鄰里彼此往拜
謂之賀歲自元旦至上元無虛日

初五日俗曰破五是日賀歲者多不出門婦女亦停
針線早膳麵食與水角相參諺云金絲纏元寶
立春前一日迎芒神於東郊凡城關居民暨附近鄉
村扶老携幼競看寅賓以芒神春牛占歲旱澇

上元祀神祭先常供之外復設湯圓米茶棗卷麵燈

街市懸花燈放花炮社會中演竹馬紙船龍燈諸
戲城居野處之眾輻輳並集摩肩擊鼓歌聲盈耳
歡呼徹夜名曰鬧元宵

二月二日鄉俗多以是日爲吉日凡入學出行修造
耕織不閱時憲之書而竟爲之蓋取唐人中和節
之義也

三月三日人多出遊追上巳祓除之遺風

清明節祭掃坟墓插柳枝於門亦間有佩帶者或携
酒郊遊謂之踏青

四月八日有浴佛會釋氏謂佛於是日降生見傳燈錄

五月五日懸桃符艾虎佩香囊結五色縷唐入所謂五絲續命也飲雄黃酒食角黍日未出時採百草以合藥

六月六日曝書晒衣造麩造醬鄉村農人於是日祀社公

七月七日婦女穿針乞巧李長吉詩鵲辭穿線月
七月十五日謂之中元拜墓展祭釋氏於是日作盂

蘭會

八月十五日陳瓜菓茶餅祀月招親友飲晏玩賞於
明月之下

九月九日登高飲茱萸酒賞菊

十月一日無論貧富祭掃坟墓人皆思孝

臘月八日將稻米粟米合棗栗蔬肉煮粥以食名曰
臘八粥

二十三日備雞魚餈糖祀竈神於東廚自是日以後
至歲除民嫁娶不擇婚元而謂逐日皆吉

二十四日掃竈掃舍宇

除夕祭神祀先日辭歲家人團聚飲酒至漏三商或有徹夜不眠者謂之守歲

土產

穀類

小麥

一名來詩云貽我來牟秋種冬長春秀
實具四時中和之氣故爲五穀之貴

大麥

一名牟麥苗粒皆大於來故得大名說
文云牟大也孟子曰今夫麩麥卽此也

豆

有大小二種黑白黃褐青班數色黑名烏豆俗呼
黑豆一名菽李時珍曰豆菽皆莢穀之總名廣雅

云大豆菽也

小豆荅也

粟穀

苗葉似茅種類有青赤黃白黑諸色穗有大小
毛光不同粒比黍而圓小許慎云粟之爲言續

也續於

穀也

稻穀

一名秈有水旱二種其穀有光芒長短大小其
米有赤白紫青堅鬆其性有溫涼寒熱亦因土

產形色而異也

糯穀一名稌爾雅云稌稻也郭璞曰沛國呼稌周頌豐年多黍多稌皆是一物也字林云糯粘稻稘

不粘稻也

黍禾屬而粘也曲禮黍曰香合有數種赤者曰藟白者曰芑黑者曰秬一經二米曰秠汜勝之云

黍者暑也待暑而生暑後乃成也

綠豆苗高尺許葉尖而有毛莢如赤小豆綠以色名也

赤小豆苗高尺餘葉名藿類豇豆葉微圓而小花似豇豆花淡銀褐色結莢比綠豆莢稍大廣

雅名荅俗呼爲紅小豆

豇豆一名降獲莢必雙生故名

刀豆

皂莢扁而劍脊三稜嫩青煮食醬醃蜜煎皆佳

藕豆

有白紫二種蔓生葉大如盃其花狀如小蛾莢生花下皆累累成枝藕本作扁莢形扁也形象

蛾

眉故一名蛾

眉豆

俗呼眉豆

豌豆

其苗柔弱宛宛故名舊作豈一名胡豆張騫使外國得其種故一名戎菽爾雅戎菽謂之荏菽

詩云荏菽
蒴是也

蠶豆

豆莢如老蠶蠶時熟故名一名胡豆者自西胡來也農桑通訣云百穀之中最爲先登

脂麻

即胡麻也實有黑白赤三色其莖皆方節節結莢有四稜六稜七稜八稜者蘘恭以四稜爲胡

麻八稜爲巨勝

正謂其房勝云

蕎麥

一名收一名烏麥一名花蕎莖赤開小白花結寔三稜八九月熟

稷 一名稷同音寔一字也一名粢關西謂之糜冀北
謂之麩曲禮稷曰明粢稷與黍一類二種粘者爲

黍不粘
者爲稷

蜀黍

一名蜀秫自蜀來故名其粘者近秫故借名秫
一名蘆稗一名蘆粟一名高粱一名木稷一名

荻梁莖粗高丈餘狀似蘆荻而內實穗
大如帚粒大如椒有紅白黃黑數種

玉蜀黍

一名戎菽一名玉麥出西番舊名番麥幹葉
類蜀黍而肥矮六七月花開於頂實結於節

酒穀

卽秫也爾雅粳秫黏粟也蓋粟米之粘者有紅
黃白數種泌人呼爲酒穀其米呼爲酒米爲真

可釀
酒也

蔬屬

藜藜

卽胡葵也張騫使西域得種歸可以香口故本
李時珍曰藜藜今俗呼爲藜藜藜乃莖葉散佈

貌

蘿葡

卽來服也有紅白二種按爾雅云葵藿菹孫炎註云紫花菹也俗呼溫菹一名電突一名藟菹

按菹乃菜名因其耐冬如松故名松菹後世訛爲蘿葡

葱

有冬葱胡葱漢葱各葱四種爾雅翼云西域有葱嶺其山高丈上悉生葱故以名焉

韭

爲豐本言其美在根也

薑

按許慎說文薑作薑禦濕之菜也王安石字說云薑能禦邪故謂之薑

蒜

許氏說文謂之葷萊爾雅曰蒿卽此也中國初惟有此後因漢使得蒟於西域遂呼此爲小蒜蒟爲

大蒜

茄

按段成式云茄音加乃連莖之名今呼茄其音若伽未知所自也五代貽子錄茄作酪酥蓋以其味

如醪醑也杜寶拾遺錄

隋煬帝改茄爲崑崙瓜

芹

古作蘄本草作蘄一名水英一名楚葵有水旱二種泮水所采者今之水芹也園圃所蒔者今之旱也

胡蘿蔔

有黃赤二種莖高一二尺氣如蒿其根大者盈握生食熟食皆宜

萵苣

一名萵菜因自周國來故名

壺盧

俗名胡盧一名瓠瓜一名匏瓜有甘苦二種項短腹大曰瓠細而合上曰匏似匏而肥圓者曰

壺細腰者今之藥壺盧邨風匏有苦葉

幽風八月斷壺小雅甘瓠纍之是矣

瓠子

裏生苗葉花如葫蘆結寔長尺餘可煮食

南瓜

一曰飯瓜附地蔓生菜大而綠有毛結實或扁

絲瓜

蔓三宜高架背陽向陰開大黃花五出結實類

黃瓜而深綠有皺點長

尺餘煮食炒食皆宜

冬瓜

一名白瓜一名水芝一名地芝一名蔬菰附地蔓生開白花實生蔓下長如枕圓如斗初生青

綠色經霜則青皮上白如塗粉

山藥

原名薯蕷宋英宗諱曙改名山藥一名山藟一名土藟春生冬挾其根肉白可食最足養人

莧

爾雅云莧是也葉藍高易見故名莧

馬齒莧

一名五行草以其葉青梗赤花黃根白子黑也一名長命菜一名九頭獅子俗呼馬齒菜

薺菜

一名護生草木草云薺生濟濟故名

藜

一作藿一名藜一名紅心灰藿莖葉嫩時可食羣芳譜以爲卽地葵小雅北山有來卽此

金針菜

葉類萱草而微瘦花類萱草而稍堅俗呼爲金針亦曰黃花菜

白菜

一名菘性凌冬不凋四時長有有松之操故名莖扁薄而白葉繞莖而綠花與角俱如芥冬曰

入窖內謂之黃芽菜

珍珠花

一名玉屑葉如金雀三月開花細白綴枝上繁密如李葉採食其味最覺新鮮

拳菜

本名蕨菜俗呼拳菜象形也邑人用之萁以爲羹郭璞云初生無葉可食李太白詩昔在南陽

地惟食獨山蕨是也

果屬

甜瓜

一名果瓜禮記爲天子削瓜及瓜祭皆指果瓜也王楙曰大曰瓜小曰瓠其子曰瓠其肉曰

其附曰環瓜之脫華處也其臺謂之蒂蒂

西瓜 北於同統得瓜種之名曰西瓜是西瓜五代時

始入中國文選浮甘瓜於清泉蓋指黃瓜甜瓜也

菜瓜 蔓葉俱如甜瓜生時色青質脆可生食亦可醃

蘗是也

黃瓜 一名胡瓜有青黃二色質脆嫩多汁其味清涼可生食

芋 一名土芝一名蹲鴟一名芎廣雅渠芋也南方大如斗謂之芋頭前漢謂之芋魁後漢謂之芋渠旁

生小者謂之芋奴 必人皆呼爲芋頭

甘藷 卽紅藷也一名蕃藷附地蔓生其根實理膩潤可以充糧可以備荒生食蒸食造酒造粉皆可

菰 生水 中一名菱草一名蔣草蒲類也又名菱白白芽如笋鮮脆可食

慈姑

一作茨菰一歲根生十二子如慈姑之乳衆子故名爾雅翼云歲有閏則生十三子可煮食

甘蔗

莖似竹而內實有節無枝八九月收莖入窖可留過春充果食按野史呂惠卿言凡草皆正生

矯出惟蔗側種根上

庶出故字從庶也

葡萄

苗作藤蔓而極長大其實有紫白二色七八月熟取其汁可以釀酒人醕飲之則醕然而醉故

有是

名

棗

木赤心有刺按陸佃埤雅云大曰棗小曰棘棘酸棗也棗性高故重東棗性低故並東東音刺棗棘

皆有刺針

會意也

櫻桃

一名襖一名含桃謂烏喜含也此木得正陽之氣故實先諸果而熟禮薦宗廟亦取其先出也

银杏

葉薄縱理儼如鴨掌形有缺刻結了一枝百十

白也今呼爲白果

栗花青黃色實有求蠟白彙大者如拳印子三四小者如桃李申子一二熟則罅折子出栗說文作栗

從栗音條象花實下垂

之狀也苑書名篤迦

梅杏類也先思木而花隨便結實梅者媒也媒台歟味故書云若作和羹爾惟鹽梅

木瓜木狀如柰技爾雅云檉木瓜郭璞註云木實如小瓜酢而可食則木瓜之名取此義也或云木

瓜味酸得木之正氣故名

柿音士俗作柿結實青綠色八九月熟紅色本草綱目云柿弟音萍諧聲也說文云赤實果也事類合

璧云朱果也

俗呼爲柿

核桃一名胡桃一名羌桃梵書名播師羅樹花如栗花穗蒼黃色結實如青桃八九月熟

杏

二月開紅花結實熟最早甘而有沙者爲沙杏黃而帶酸者爲梅杏青而帶黃者爲奈杏扁而青黃者爲木杏圓大而深赭色者爲金杏

桃

木少花盛實甘子繁此風詩之所以詠也醫學入門曰桃逃也能令鬼邪逃遁故謂之棧

李

爾雅翼云李乃木之多子者故字從木子又素問言李味酸屬肝東方之果也則李於五果屬木故得尊稱耳

石榴

種極易息詩物志云漢張騫使西域得塗林安石園榴種以歸故名安石榴齊民要術云凡種榴者須安僵石子於根下既茂則安石之名義或取此也

梨

一名果宗種類甚夥上巳日無風則結實必佳

花邊

蓮花遺其本蓄其華齒齒其實蓮其根藕其中荷荷

中薏別名芙蓉出汙泥而不染洵花之君子者也

芙蓉

一名木芙蓉一名木蓮一名拒霜花本草云此花艷似荷花故有木芙蓉木蓮之名八九月始

開故有拒霜之名

菊花

種類雖多大抵以黃爲正故曰黃華本作鞠鞠窮也花事至此而窮盡也

藍菊

根葉似菊花形亦似菊有淺紅深紅淡白藍紫數種

鳳仙花

一名海薊一名旱珍珠一名小桃紅一名染指甲草其花五色俱備又有雜色者善變易

金錢花

本出外國名毘尸沙其花如錢午開子落今呼爲夜落金錢

杜鵑

以二月杜鵑鳴時開故名一名映山紅一名紅躑躅

迎春花

一名腰金帶叢生高數尺方莖厚葉開最早交春即放淡黃花不結實

夾竹桃

本名拘那自嶺南來夏間開花至深秋猶有之因其花似桃葉似竹故有是名

紫荊花

一名滿條紅花叢生深紫色一簇數朵發無常處二月盡即開昔臨潼田真兄弟分居復

合荊枯再榮勿謂草木無情也

南天竹

葉似苦楝而小經冬不凋花細白子成簇至冬紅如丹砂植庭除間不惟供玩好尤能避

火災

牡丹

種有數百泌所種者惟紫白紅三色而紅者居多態度春容形色燦爛洵花中之王花之富貴

也者

芍藥有紅白三種廣雅曰鬱夷一名將離一名婪尾

藥故其初曰木芍藥

海棠

有貼梗垂絲西府數種花最早色最鮮惟無香爲東坡之所恨耳

玉蘭

九瓣色白微碧香味似蘭故名一幹一花極如蓮皆著木未絕無柔條立春開至二月樹大者

望之如玉山然

春梅

本出羅浮庾嶺種類甚多泌所有者紅梅白梅綠萼梅葉花俱似杏差小而花獨優於香

蠟梅

一名黃梅本非梅類因其與梅同放其香又潤近色似密蠟且蠟月開故名有冰心梅虎踏梅

並蓄狗芙蓉種

蘭蕙

一莖一花而香有餘者爲蘭一莖數花而香不足者爲蕙

木香花

灌生如薔薇花開於四月香氣清遠高架萬條望若香雪

刺藤

有紅黃二種花似玫瑰而大艷麗可愛

玫瑰

類薔薇莖短花色紫嬌艷芬馥入茶入酒入蜜皆宜南海謠云鮑珠千枚不如玫瑰玫瑰美珠

也卽火齊花

色似之故名

月季

一名長春一名月月紅一名鬪雪一名勝春逐月一開四時不絕

碧粟花

一名米囊花一名御米又一名米殼花一名象穀有大紅桃紅純紅純白各種又有千葉

單葉黃色

綠色者

合歡花

一名合婚一名夜合一名宜男又名馬纓花枝柔弱葉纖密相對生至暮而合五月開花

散垂如絲樹之

庭階令人釋忿

山丹花

一名紅百合一名紅花菜根似百合體小而

蜀葵花

爾雅曰蒨戎葵一名吳葵一名一丈紅其花五色俱備最易生息花亦善變仲夏繁華莫

過於此惟多
爲人所厭耳

金盞花

一莖一花色如鴉黃形似金錢春日開放經霜後凡卉凋萎此花翩然獨秀

桂花

一名木樨一名木犀一名嚴桂亦曰嚴林葉如鋸齒花白者爲銀桂黃者爲金桂紅者爲丹桂

有春花者秋花者四
季花者逐月花者

紫薇

一名百日紅一名滿堂紅一名怕癢花一名不耐癢花四五月開花可至八九月樹身光滑花

六瓣細碎每微
風至妖嬌顫動

木槿

爾雅所謂椴櫨白曰椴紅曰櫨一名舜華一名玉蒸木如李高五六尺多歧枝葉繁如桑花如

蜀葵樹大者日開數百
朵但惜其朝華夕落耳

牽牛花

一名盆甌草一名黑白丑白丑一名草金鈴有
黑白二種作藤蔓繞籬墻葉有三尖如楓葉

花不作瓣如旋
花而大碧色

玉簪花

一名白萼象其色一名白鶴象其形一名季
女象其卦李夫人取玉簪搔頭後宮人皆效

之玉簪花
之名始此

秋海棠

名八月春一名斷腸花一名相思草一名
愁婦花色粉紅甚嬌艷葉綠如翠羽其紋似

朱
絲

鷄冠花

佛書名波羅奢花有掃帚鷄冠以高爲趣扇
面鷄冠以矮爲佳均有深紫淺紅純紅純白淺

黃數色又有鴛鴦者紫黃

老少年

而葉綠者名少年老以雁來而色嬌故又名

雁來紅以紅紫黃綠相兼故又名十樣錦

芭蕉

一名甘蕉一名綠天一名扇仙菊不落花蕉不落葉葉長丈許花初生似倒垂茵茵有數十層

皆作蕪漸大則花出瓣中花包中積水如密名為甘露

蓼花

爾雅薔虞蓼鄭風隰有游龍周頌予又集於蓼內則不蓼實蓼薈無蓼是也

木屬

松

葉細如馬鬣皮粗如龍鱗遇霜雪而不凋歷千年而不殞故為百木之長

栢

栢有數種扁者為貴諸木向陽栢獨西指稟堅疑之質不與羣卉同凋亦松之流亞也

梓

或作籽楸類一名木王植於林諸木皆內拱造屋有此木則羣材不震故書以梓材名篇禮以梓人

名匠

椿 枝葉與檟相似然檟木疏而氣臭椿木實而葉香無花不結子身大而幹端直

柳 有楊柳垂柳紅心柳鬼柳數種

楊 有白楊青楊二種俗呼大葉楊小葉楊是也木皆高大易生

桑 箕星之精東方白然謂木之名其功最大材中可督

槐 其木高大葉繁其色青黃為禮外朝之法面三位之春秋元命苞云槐之為言歸也

古者樹槐聽訟其下使情歸實也

棟 棟葉可以練物故謂之棟木高丈餘葉密似槐而尖三四月開花紅紫色芬香滿庭實如彈丸生青

熟

桐而不結莢

梧桐爾雅曰櫟桐注今之梧桐也皮青如翠葉似如

而天下知秋
卽此是矣

毛桐

爾雅云榮桐木卽此華而不實故曰榮一名華
桐二月開花如牽牛花色白造琴瑟以華桐生

山間者
則音濤

榆

榆類甚多泌所種者惟莢榆白榆刺榆莖白者名
枌二月生莢生青熟白形圓如小錢故名榆錢

子春取榆柳
之火卽此也

藥屬

菖蒲

一名菖陽一名堯韭一名
水劍生水中根可入藥

薄荷

本草云薄荷俗稱也陳士良食性本草作菝葜
楊雄甘泉賦作菱菝呂忱字林作菱菩則薄荷

之訛稱

可知矣

藿香

宿根經冬生苗作叢肥莖絲葉開花如蛇床結
子如麥粒輕而有細稜北人呼茴香聲相近也

陶宏景曰煮臭肉下

少許卽無臭氣

山楂

一名茅楂樹高數尺葉似香薷二月開
白花結實有赤白黃三色九月乃熟

益母草

一名蕪主調婦人胎產諸症故加益母之名
子名茺蔚子亦理胎產茺克實也蔚盛貌

天花粉

括樓根去皮切碎水浸澄粉名天
花者因其內有花紋天然而成也

柴胡

狀如前胡強硬如
柴故名泌產最良

蒼朮

其色蒼黑故名蒼朮木者山之精也服之令人

栲栳

也其紋締結如綆也因名栲栳

黃精

其葉似竹而鹿兔食之故別錄名鹿竹兔竹根如嫩薑黃色故俗呼野生薑味甚甘甜代糧可

過凶年故救荒本草名救窮草蒙筌名米餽仙家以為芝草之類以其得坤土之精粹故謂之黃精

車前

爾雅云茅苕馬舄一名當道一名車輪菜周南采芣苢是矣

豨薟

一名希仙一名火欬草味苦治金瘡除風濕唐成訥張詠俱有進豨薟丸表

艾

莖類蒿而葉皆白可災百病故一名醫草五月五日雞未鳴時采之詩曰彼采艾兮艾以久蓄為善

孟子所謂七年之病求三年之艾也

枸杞

廣雅云春名天精子夏名枸杞秋名却老枝冬名地骨皮

金銀花

一名忍冬一名通靈草能伏硫制汞故名三月四月開花長寸許一蒂兩花二瓣一大一小

長蕊垂鬚初開者蕊瓣俱白經三二日則變黃新舊相參黃白相映故呼金銀花氣甚清芬凌冬亦

不凋

紅花

一名紅藍一名黃藍花色紅黃葉綠似藍有刺苗嫩時亦可食結實白如小豆花可入藥亦可

梁布

帛

假蘇

蘇恭曰卽菜中荆芥是也別錄名薑芥葉似落蔡而細初生辛香可啖故人取作生菜

蕪

紫蘇也其梗方其葉圓而有尖葉邊如鋸齒地肥者面背皆紫地瘠者背紫面青嫩時采葉可醃食

草屬

茅

爾雅曰蘧牡茅注白茅屬疏茅之不實者也易曰拔茅連茹書曰包匭菁茅傳曰爾貢包茅皆是一

物

竹

中虛有節耐濕而寒貫四時而不改柯易葉操與松柏等號曰君子此詩人所以瞻淇澳而興思也

蘆荻

一名蓬蘆蘆荻二物同類而異種蘆大而中空荻小而中實凡曰葦曰葭曰華曰芎皆蘆也凡

曰蒹曰蘆曰荻

曰蒹皆荻也

淡巴菰

姚呂露書呂宋國有烟草名淡巴菰或云淡巴西海國名其地產烟名菰內典一名淡母

菰三代以上無烟字自太史公天官始考周禮秋官蠨氏煙被一語周人尙臭時當已有之

王瓜

一名土瓜一名野甜瓜一名馬鷓瓜一名赤雹子一名鈎瓠爾雅鈎藜姑注鈎瓠也月令王瓜

生卽此也

苜蓿

一名木粟一名收宿風在其間常蕭蕭然故名懷風草日照其花有光彩故又名光風草

莎草

卽香附子爾雅云臺夫須蓋匹夫所須可爲衣禦雨今人謂之蓑衣泌產者不堪入藥

蒲

爾雅莞荷蘆其上市蒿注今西方人呼蒲爲莞蒲蒿爲中莖用之爲蓆是草之美者故禮有蒲璧

藻

爾雅荇牛藻博雅麥菜藻也有二種水藻葉長二三寸兩兩相對生卽馬聚藻葉細如絲節節連生

卽水藻今俱呼爲蒼草

禽類

雞

格物論曰雞知時之畜積陽火德之精故陽出而雞鳴以類而感也有紅白黃黑斑褐數種

鴨

格物論曰鴨家鶩也雄者綠頭文翅紅脚或蒼雌者遍身黃赤有純白純黑者亦有花毛者鳴時皆

自呼其名

鷺鷥

格物論曰水鳥也毛白而潔喙長三寸頂上有毛十數莖毳毳然頸細而長青脚高尺餘尾短

林棲朝出捕魚鮮而食夜

雉

爾雅雉有數種青質五色曰鷩雉長尾走且鳴曰鷩雉黃色自呼曰鳴雉似山雞而小冠曰鷩雉五色備成章曰翬此左傳所謂五雉也尙書曰華更曲禮曰疏趾士相見之贄各執雉取其守介不失節前漢呂太后諱雉號

節曰野雞至今稱之

雀

爾雅挑蟲鷦注挑雀也俗呼爲巧婦鳥小黃雀也

鵲

格物論曰鵲一名飛馭善爲巢開戶背太歲其聲杳杳然人聞其噪則喜爾雅鵲鵲醜其飛馭月令季冬鵲始巢卽此也

鴉

說文孝鳥也張華禽經曰慈鳥孝鳥長則反哺其母大莆鳥脣

鳩

按左傳五鳩曰鵲鳩鵲也曰鷦鳩鷹也曰鳴鳩鷦鷯也亦名布穀曰雉鳩王鳩也曰鷦鳩一名鷦鷯一名斑鳩一名斑佳

泌所生者斑鳩也

鴿

種類甚多開元遺事張九齡少年養羣鴿每與親知書繫鴿足以依所教飛往投之日之爲飛奴

鶉

鶉鶉木草鶉大如雞雛頭細而無尾有斑點陸佃云鶉有常匹故詩曰鶉之奔奔衛人所以刺宣姜

也一名鴛禮月令田鼠化爲鴛爾雅釋鳥鴛鴦母

郭註鶉也青州人呼爲鴛母今人得雄者把握之

使兩鶉爭食相

鬪以爲戲樂

鵝

格物論鵝有蒼白二色綠眼黃喙紅掌爾雅一名舒鴈善鬪好啖蛇多溪毒處養此以辟之

鴛鴦

古今注云鴛鴦文禽匹鳥也似鳧毛有文彩頭白雌雄未嘗相離

獸類

馬

周禮凡馬八尺以上爲龍七尺以上爲駮六尺爲馬春秋說題云地精爲馬十二月而生應陽紀陽

以合功故人駕馬任重

馬 白斑數色驢臚也臚腹前也馬力在膊驢力在臚也

牛

格物論曰牛大牲數種赤色曰騂牯黃曰牯白曰牯黑曰犁純色曰犧牲禮謂之太牢牢乃豢畜之室牛牢大故曰太牢內則謂之一元大

武元頭也武足跡也牛肥則足跡大也

羸

說文驢父馬母正字通似驢而健驢力在髀羸力在腰乘者隨其力進退之又有馬父驢母所產者名曰驢羸形似馬羸身雖小而剛健特勝

水牛

青色牛母曰牯父曰牯子曰犢

羊

說文云羊字象頭角足尾之形牡羊曰羝曰羸牝羊曰羴曰羴白曰羴黑曰羴無角曰羴去勢曰羴內則謂之柔毛又曰少牢古今注謂之長髯主簿

犬 田犬長喙善獵吠犬短喙善守食犬體肥共饌爾
雅云未成毫狗家獸也孔子曰狗叩也叩氣吠以

也守

豕

禮記謂之剛鬣崔豹古今注謂之豕軍許氏說文
云豕字象毛足而後有尾形林氏小說云豕食不

潔故謂之豕蓋豕者猪之
總名老猪曰豕小猪曰豨

猫

格物論曰猫捕鼠獸也斑文不一目睛旦暮圓及
午斂如綫其鼻端常冷惟夏至一日暖一名蒙圓及

一名
烏圓

兔

格物論曰兔鼠形尾扁彎短毛色褐耳銳目卓口
缺長鬚前足短後足長行卽用後足一躍數尺止

則厥然仆地禮記謂之
明時言其目不瞬視也

必山惟多近時戶口繁盛樵采者思虎狼惡獸之

類間或有之然見者絕少故不備載

鱗介類

鯉魚

爾雅釋魚鯉註今赤鯉魚詩陳風豈其食魚必河之鯉酉陽雜俎道書以鯉多爲龍故不欲食

神農書曰鯉爲魚王無大小脊旁鱗皆三十有六鱗上有小黑點文

鯁

說文魚也博雅鯁也郭璞江賦鯁鯁鯁鯁正字通鯁魚似鯁俗呼黑連

白鮓魚

爾雅釋魚鮓大鮓小者曰鮓俗呼白鮓

鯽魚

本草云形似鯉色黑體促腹大脊隆杜甫詩鮮鯽銀絲膾卽此也

鼈

水居陸生穹脊連脇與龜同類四緣有肉裙衷甲無耳以目爲聽純雌無雄以蛇爲匹卵生一名鼈

守一名

團魚

蠃利錐尖爪外骨內肉殼堅而脆有十二星點團團者牝也尖者牡也漁人捕取霜後益佳旁行故里語謂之

螃蠏

蚌蛤

格物論車螯大蛤也名蜃能吐氣爲樓臺

嘉魚

泌邑諸川皆山泉細流罕生鱗介土人瀦水爲塘每春仲於襄漢販買魚苗呼爲嘉魚畜塘中

八九月重至一二斤豈其出

於丙穴故有異於常鱗歟

昆蟲類

蠶

孕絲蠶也自卵出而蚘自蚘蛻而爲蠶蠶而繭繭而蛹蛹而蛾蛾而卵卵而復蚘亦有胎生者與母

同老蓋

神蟲也

蜂

人家以窠檻養之採百花以造蜜一歲二取

背殼而出以脇而鳴吸風飲露澤而不糞多在楊

柳上詩曰

五月鳴蜩

蜻蛉

好飛集水上大足四翼其翼如紗食蚊飲露其尾好亭而挺故俗呼蜻蛉蜻言其色也蛉言其

狀伶

行也

蝶

格物論蝴蝶一名蛺蝶一名野蛾種類不齊形色各異又一種大如蝙蝠或黑或赤或青斑名鳳子

一名鳳車一名鬼

車橘虫所化也

螢

禮記腐草化為螢格物論螢是腐草及爛竹根所化初猶未如虫腹下已有光數日即變而能飛然

必在季夏之月得大火

之氣而化此光明也

蟋蟀

爾雅蟋蟀蟀也古今注莎雞一名蟋蟀一名促織一名絡緯一名蟋蟀

沙陽果元 卷二
蝦蟇

多在陂澤中形小皮上多黑點能跳接白蠶舉動最急俗言蝦蟇懷土取置遠處一夕復還其所雖或遐之常慕

而返故曰蝦蟇

貨類

棉花

七月開黃花結房八月房拆成綿潔白如玉織以爲布古謂白氈布也元時始入中國今幾徧

於天下矣

麵粉

小麥綠豆豌豆扁豆蜀秫皆可用磨細水浸澄粉造粉條粉皮出售遠方

麻油

卽胡麻油俗呼香油又有菜油菜子所出棉油棉花子所出

飴糖

李時珍曰飴糖用麥蘖或穀芽同諸米熬煎而成劉照釋名云糖之青白者曰飴形怡怡然也

稠者曰飴強

山繭

山繭食栗葉梅葉結繭荒陝取絲爲繅其質堅韌唐書泌陽貢絹布絹指此

火硝

取地下鹹土浸水熬成然必待西風而後凝聚竹枝詞所謂老天昨夜起霜風爲此

泌陽縣志卷四

營建志

建置之迹政典攸關城池以固封守公署以理庶務倉庫壇廟則養民事神之道存焉坊表人所瞻仰也養濟漏澤何非子惠困窮之美意哉規爲營繕前人具有苦心矣廢者修之墜者舉之詎非官斯土者之責歟志營建

城池

唐泌州城

舊志云在唐爲泚陽

明洪武十四年知縣胡惠因元

故址修築週圍五里十三步高一丈二尺廣八尺

舊志云

池深一丈濶五尺

舊志云濶一丈五尺

初止東西二

門東曰固本

今改曰延虞

西曰敷德

今改曰望召

成化五年知縣魯常重修始作南門名曰宗盤置

警鋪八

警鋪今廢

正德六年辛未城始磚先是猶土城知縣劉璣始
甃以磚十二年知縣郭繼祖增甃磚於內

嘉靖間知縣王世安龔文魁相繼修葺

崇禎辛巳夏羅張二賊陷城拆毀過半署篆鄧州

州同任從仕修葺廢垣嗣後屢被流賊土寇蹂躪
國朝順治六年知縣韓志道重修

康熙二十四年知縣雷挺奉文重修

二十五年知縣莫國芳復爲補修因門制狹隘始
寬大如舊橋梁木朽砌以磚石

五十四年奉文修城知縣程儀千鳩工重修屬邑
紳馬之起吳中廣董工役司出納

乾隆二十八年知縣何桐華修

嘉慶元年楚匪滋亂邑紳吳履晉倡義約會吉越

田本腴李達石憲德高淑紳梁吉昆捐貲興工補
修城垣稟明邑宰鄭大謨按戶之貧富派夫之多
寡孤寡單丁不派牌戶除應本身差役外每日給
工價錢六十文閱兩月工竣二年楚匪經過縣南
見城池完固守禦謹嚴遂東竄別境

嘉慶八年知縣步毓巖修東門弔橋

嘉慶十六年春知縣張兆安捐募修葺周圍坍塌
等處工未興卸事知縣李烜到任分派邑紳董其

事工始竟

道光二年南門傾圮知縣永銘重修

道光七年西門吊橋坍塌及城根知縣倪明進重修

龍亭

龍亭 在西門內圓通寺中間嘉慶二十五年知縣楊兆李倡修因調任去經邑紳吳榮輝募捐動工道光元年落成每年恭逢

萬壽元旦長至知縣率僚屬先一日詣公所習儀至日五鼓朝賀如制

公署

縣署 在城內大街進東門大門五間大門外照墻
一座大門內東西班房各六間東南隅爲蕭曹祠
衙神祠儀門三間儀門內東西科房各十二間中
立戒石坊西南隅爲監獄大堂五間大堂東側爲
廣積庫大堂迤東爲馬號共十二間倉廩共三十
間馬神祠倉神祠各一座大堂西側爲承發房大
堂後宅門內二堂五間日居敬堂東西門房各三

間二堂東花廳四間日問齋傍屋三間又東南隅

爲屬房共十四間二堂西南隅花廳三間曰理琴齋傍屋三間其北爲幕客房四層共十二間又傍屋二間二堂後三堂五間三堂後爲內宅四堂五間東西廂房各三間餘房不備載大堂迤西爲典史署

舊志云縣署創始莫可稽考明初因古基建儀門三間大堂三間二堂三間

郡志云大堂後爲退食廳卽指二堂

三堂

三間知縣宅在三堂後縣大門爲鐘鼓樓前有木屏題曰宛東巖邑寇焚後易以磚縣門東爲申明

亭縣門西爲旌善亭後并廢儀門外東南隅爲寅賓

館後廢寅賓館東爲土地祠儀門內東西科房各五

間東科房後爲公廨後廢儀門內西北隅爲監獄郡志

云外西南隅爲預備倉後廢大堂東側爲廣積庫又庫房三間

後廢庫東爲縣丞宅因裁改爲打穀廩後廢大堂西爲

贊政廳後廢主簿宅在堂西分猷門內因裁後改爲

典史署此其大畧也明季城陷焚毀殆盡

國朝順治丙戌知縣傅和夔修大堂六房

順治辛卯知縣韓志道修後樓

康熙癸卯知縣孟人吉修大門

康熙庚戌知縣王承時重修大堂

康熙戊午知縣李世德修二堂

康熙癸巳知縣程儀千修大門垣墻

乾隆辛丑知縣申兆定重修大堂以後各房

乾隆辛亥知縣鄭大謨重修大堂以前各房

道光丁亥知縣倪明進重修大門儀門東西班房

蕭曹衙神祠戒石坊及四堂東西廂房東花廳等

處

儒學 在縣治西大街北文廟宮牆東

大門三間有功銘龔序匾額爲教諭張培基立二

門一間坐西向東儀門一間南向舊三日風化門

明倫堂五間南向堂後尊經閣三間

舊志云國初僅存牆址順治四年教諭孫克俊修

復新置臥碑康熙戊子教諭張培基修明倫堂康

熙壬辰知縣程儀千修尊經閣三間明倫堂下兩

旁舊有東西齋各三間庫房三間廚房三間風化

門外坊二東曰禮門西曰義路尊經閣後敬一亭

三門今并廢

教諭宅 在明倫堂後

訓導宅 在明倫堂西

城守營 在南街

協防營 駐沙河店

典史宅 在縣署大堂迤西舊有贊政廳主簿宅因
裁改爲今署

順治丁亥典史俞士臣修前堂

康熙戊辰典史陳良棟修後堂

嘉慶丙寅典史李曾愷重修西花廳

演武塲 在縣城西門外四里

舊志僅存其名而基址無考者附後

象河關巡檢司 舊志云在縣東北一百二十里
今廢

察院 舊志云在縣治東久廢順治辛卯知縣韓
志道捐俸買民宅一所在後街今廢

按察分司 舊志云在縣治西南遺址尙存知縣

內館 舊志云在縣治南街路東今廢

陰陽醫學 舊志云共一所在縣治西今廢

僧會司 舊志云在圓通寺西隅今廢

倉庫

縣署東倉廩共三十間 現今貯穀內分

風字廩三間 調字廩三間

雨字廩三間 順字廩三間

國字廩三間 泰字廩二間

民字廩三間 安字廩三間

地字廩四間 人字廩三間

南街倉廩共十三間 現今貯穀內分

明字廩三間 正字廩五間

公字厥五間

〔附〕舊倉基 在縣南康熙三十五年撫院顧櫟行建
倉儲穀備荒勒石今廢

常平倉一 縣治西六間今存遺址

義倉四 沙河店三間牛蹄店三間羊册店三間
饒良店三間今廢

已上照舊志存錄其名

廣積庫 在縣堂東側

舊志云庫房三間在大堂之東今廢

壇廟

文廟 在縣治西大街北五代時爲州學制湮沒無攷宋熙寧間_以_釋基爲學宮卽今文廟

元大德初縣令程仲賢重修

明洪武十四年知縣胡惠重修

宣德天順成化間知縣王懋陳鼎魯昌相繼修葺
成化十三年知縣陳俊重修

洪武十四年以下三條據順治十七年通志補入舊志但云明洪武初修建永樂時重修天順間復修又云皆徵於碑記而原修姓名無傳

嘉靖四十四年知縣陶采修先師殿

嘉靖乙丑年知縣龔芝重修并創修泮池池上有石橋自爲記

萬歷庚辰年知縣郭祺重修

崇禎庚午年知縣高岸重修裕州吳阿衡記

詳藝文

明末寇亂止存大殿其餘盡燬

國朝順治丙申知縣溫如玉教諭王廷獻命生員陳汝聽督理重修

康熙丙寅年奉文修理知縣莫國芳倡捐署教諭

竇克勤董事修葺創立兩廡各三間

大成殿懸挂匾額丹墀下立

御製先師四配贊碑文

自丙寅年重修工力迫促未爲完固兩廡毀壞止
存大殿五間康熙戊子年教諭張培基到任慨然
以修理爲己任捐俸鳩工重修戟門三間 至聖
殿五間創修東西兩廡各七間遷圍垣墻復修啟
聖宮文昌閣魁星樓明倫堂莫不備舉累歲始竣
康熙壬辰年知縣程儀千捐磚助修尊經閣三間

悉復舊制 已上並舊志

嘉慶甲子年知縣步毓巖重修

道光三年知縣永銘補修大成殿

崇聖祠

舊名啟聖祠雍正元年改名

在明倫堂東南

舊志云遺址在明倫堂西

北後徙明倫

堂東南

康熙丙寅年知縣莫國芳同教諭金士淳創修

康熙戊子年教諭張培基重修

嘉慶十九年署縣事林祥綬移忠義節孝祠於

聖廟內因忠義祠舊址改建崇聖祠工未竟卸任

去知縣楊兆李續修

名宦祠 舊志云祠三間遺址在文廟西今在戟門西改爲一間

鄉賢祠 舊志云祠三間遺址在名宦祠後今在戟門西改爲一間

忠義祠 舊在明倫堂東今改建文廟戟門東

節孝祠 舊在明倫堂東忠義祠後今改建文廟戟門西

二祠嘉慶二十年署縣事林祥綬動工知縣楊兆

李續修完工

附寶公祠 在明倫堂東

土地祠 在戟門外東南隅

文昌廟 在南門內西街三代祠三間大殿三間東

西更衣廳各三間二門三間大門三間舊志云遺

址在文廟戟門西後移戟門東改爲閣一間嘉慶

年間文昌帝君增設春秋二祭因無專祠每屆祀

期張幄於學宮明倫堂下嘉慶二十一年知縣楊

兆李改西門內舊公廨爲銅峯書院因公廨後有

隙地數十弓又買西鄰焦姓宅基約畝餘創建此
祠有碑記載藝文

道光七年知縣倪明進添建拜殿三間

關帝廟 在東門內南街

嘉慶十一年知縣步毓巖改建大殿三間拜殿三
間三代祠三間穿堂三間更衣廳三間舞樓一座
並道房等工未竟經知縣張兆安知縣李烜續修
金塑神像始竣事

魁星閣 在南門內西街

舊閣在文廟戟門東道光七年知縣倪明進改建於文昌廟東南隅銅峯書院前有碑記載藝文

魁星樓 舊志云在城上東南隅制倣八卦像塑於上

社稷壇 在城西五里

風雲雷雨山川壇 在城東南二里

先農壇 在城東關外嘉慶二十一年知縣楊兆李補修

八蜡祠 在城東北一里嘉慶二十一年知縣楊兆

李重修

龍神廟 在城東門外

呂祠閣 在城東門外龍王廟之右道光六年重修
有碑記載藝文

真武廟 在北城上道光六年重修添建灶君閣有
碑記載藝文

東嶽廟 在城東關

火神廟 在城南門外

城隍廟 在縣治西嘉慶二十五年知縣楊兆李調

任去留俸金屬邑紳吳榮姬改修大門

邑厲壇 在東門外迤北一里

蕭曹廟 在縣署大門內東南隅道光五年知縣倪明進重修

衙神廟 在縣署大門內東南隅道光五年知縣倪明進重修

馬王廟 在縣署大堂東

倉神廟 在縣署大堂東

獄神廟 在獄中

坊表

左少師里石坊

在縣治東爲少師焦芳立四代孫焦覲祖重修

冢宰石坊

在縣治西爲太子太保吏部尙書焦芳建四代孫焦覲祖重修

東門內大街石坊

爲嘉靖己酉科舉人崔棟建

縣治東大街石坊

爲嘉靖己未科進士崔棟建

縣治西大街石坊

爲嘉靖辛卯科舉人羅士賢建

儒學門大街宗伯石坊

爲禮部侍郎焦芳建

儒學門大街玉殿傳臚石坊

爲二甲第二名進士焦黃中建

儒學門右大街石坊

爲鄉貢進士焦黃中建

儒學雲路街石坊

爲徵仕郎中書舍人崔然建

儒學西世翰石坊

爲天順己卯科舉人焦芳建

城隍廟東大街石坊

爲甲子鄉貢進士焦希韓建

城隍廟東大街石坊

爲辛酉舉人王戌進士焦觀祖

應古諱封太安人嗣母節婦李氏諾贈承德郎戶部主事嗣父焦部主事生父焦應橋諾贈太安人生母徐氏立

西門內大街金馬承恩石坊

爲翰林院侍講焦黃中建

西門內大街玉堂接武石坊

爲翰林院侍講學士焦黃中建

縣治東北後街口貞節石坊

爲經魁傅明弼妻節婦許氏建今廢

西關南巷口孝子坊

爲孝子杜漸建今廢

西關關王廟門大街貞節木坊

爲生員王如選母節婦陳氏建今廢

西關南巷東貞節坊

爲生員王繼文母王氏建今廢

城南牌路李家庄貞節木坊

爲廩生李宏妻焦氏建

城南古路溝貞節石坊

爲處士吳肇姬妻韓氏建

城西靈稷舖節孝石坊

爲王煥彰妻禹氏建

祠祭志

禮有五經莫重於祭記曰法施於民則祀之以勞定國則祀之能禦大災捍大患則祀之掌於禮官頒於鄉國典至鉅也

皇朝禮明樂備壇壝祠宇崇報有加而於文廟尤多盛典茲於舊志所未載者補之闕畧者詳之禮器樂歌一遵

功令期於治民事神恪盡有司之職焉耳志祠祭釋奠之禮

大清會典直省府州縣歲以春秋仲月上丁祭

先師於頴宮正印官將事佐貳分獻監禮以師儒贊引
執事以生員中和韶樂羽籥之舞及牲登鉶簋簠
籩豆尊爵之數將事之儀均如太學丁祭之禮

大成殿祭品

正位 帛段 爵三 勺一 壘尊一 犧尊一

登大羹一 鉶如羹一 簠稻一 梁一 簋黍一

稷一 邊榛一 棗一 棧一 芡一 脯一 脩一 膾一 糗
餌一 豆筍菹一 菁菹一 芹菹一 韭菹一 鹿醢一

兔醢一魚醢一醢醢一鼎形鹽一鹿脯一犒魚
一 大房牛一羊一豕一 祝版一 大燭二對
香案一

四配 無登羹籩鹽不形無祝版爵每位一帛每位
一東西各羊一豕一無牛各燭一對餘與正位同
十二哲每位 酒爵一 銅和羹一 簋稻一梁一
簋黍一稷一 籩鹽一棗一栗一鹿脯一 豆菁
菹一芹菹一鹿醢一兔醢一 東西各帛段一
羊一豕一 燭一對

兩廡祭品

東西各帛段一 燭四對 每位酒爵一 羊一

豕一 簋稻四 簋黍四 遵鹽四棗四栗四鹿

脯四 豆菁菹四芹菹四鹿醢四兔醢四

崇聖祠祭品

正位 羊一 豕一 中燭一對 大燭香案一

每位帛段一 爵三 尊一 鉶和羹二 簋稻

一 梁一 簋黍一 稷一 遵鹽一 棗一 栗一 榛一

菱一 芡一 鱸魚一 鹿脯一 豆韭菹一 菁菹一 芹

菹一筍菹一鹿醢一魚醢一兔醢一醯醢一

配位 東西各豕一 燭一對 每位帛段一 每

位酒爵一 簋稻一 簋黍一 邊鹽一棗一栗

一鹿脯一 豆菁菹一芹菹一鹿醢一兔醢一

從祀東西各帛段一 燭一對 每位酒爵一 簋

稻一 簋黍一 邊鹽一棗一栗一鹿脯一 豆

菁菹一芹菹一鹿醢一醯醢一

樂章

樂譜

春夾鍾

清商

立宮

倍應鍾

變宮

主調

秋南呂清徵立宮 倍呂清角主調

昭平章

大春哉伏孔仇子仇先仇覺仇先仇知仇與仇天仇

地仇參仇萬仇世仇之仇師仇祥仇徵仇麟仇紱仇

韻仇答仇金仇絲仇日仇月仇旣仇揚仇乾仇坤仇

清仇夷仇

右迎神

宣平章

予仇懷仇明仇德仇玉仇振仇金仇聲仇生仇民仇

未亿有伏展任也伏大伏成伏俎伏豆亿千任古伏

春伏秋伏上伏丁伏清伏酒亿既任載任其任香伏

始任升伏

右奠帛初獻

秋平章

式伏禮任莫伏愆伏升伏堂伏再任獻伏響任協伏

夔任鏞伏誠伏孚伏壘伏駟任肅伏肅伏雍任雍任

譽任髦伏斯伏彥伏禮伏陶伏樂任淑伏相伏觀伏

而任善伏

右亞獻

叙平章

自

仗古

仗在

仗昔

仗先

仗民

仗有

仗作

仗皮

仗弁

仗

祭

仗菜

仗於

仗論

仗思

仗樂

仗惟

仗天

仗厲

仗民

仗

惟

仗聖

仗時

仗若

仗奠

仗倫

仗攸

仗叙

仗至

仗今

仗

木

仗鐸

仗

右終獻

懿平章

先

仗師

仗有

仗言

仗祭

仗則

仗受

仗福

仗四

仗海

仗

翼

仗仗宮

仗仗疇

仗仗敢

仗仗不

仗仗肅

仗仗禮

仗仗成

仗仗告

仗仗徹

仗仗

母

仗仗疏

仗仗母

仗仗瀆

仗仗樂

仗仗所

仗仗自

仗仗生

仗仗中

仗仗原

仗仗

有

仗仗菽

仗仗

右徹饌

德平章

鳧

仗仗釋

仗仗義

仗仗裁

仗仗洙

仗仗泗

仗仗洋

仗仗洋

仗仗景

仗仗行

仗仗

行

仗仗止

仗仗流

仗仗澤

仗仗無

仗仗疆

仗仗聿

仗仗昭

仗仗祀

仗仗事

仗仗

祀

仗仗事

仗仗孔

仗仗明

仗仗化

仗仗我

仗仗蒸

仗仗民

仗仗育

仗仗我

仗仗

膠

仗仗庠

仗仗

必易孫志

卷四

祠祭志

二

右送神

舞讚

凡舞兩佾生自架上取節前導諸生六十四人魚貫而進每行八人向北列行於陞上東西持節生立舞生行首東西向如初獻堂上麾生唱樂奏寧平之章東階節生亦揚節唱曰獻寧平之舞三獻皆同舞畢西階節生揚節唱曰舞止遂植節架上舞生魚貫東西下

初獻

自

稱前向外
開籥舞

生

路向裏
開籥舞

民

合手蹲
朝上

來

起辭身向外高
舉籥面朝上

誰

兩兩相對蹲
東西相向

底

合手蹲
朝上

其

正揖

盛

起平身出
左手立

惟

兩兩相對自下
而上東西相向

師

稍前舞舉
籥垂翟

神

中班轉身東西相向立惟兩中
班十二人轉身俱東西相向

明

舉翟三
合籥

度

稍前向外
垂手舞

越

踏向裏
垂手舞

前

向前合手謙進
步雙手合籥

聖

回身再謙退步側身
向外高手回面向上

棗

正蹲
朝上

帛稍舞躬身挽手側身向具正

揖

成起辭身挽手復舉籥正立

禮兩兩相對交籥兩班俱東西手執籥

容正揖

斯向外退挽手舉籥向外面朝上

稱回身正立

黍稍前舞

稷正蹲朝上

非左右垂手兩班上下俱雙垂手東西相向

馨起台手相向立

惟左右側身垂手向外開籥垂手無

神右側身垂手向裏垂手舞

之正揖朝上

聽躬而受之三鼓畢起籥而受之躬身朝上拱

亞獻

大

左右進步向
外垂手舞

故

垂手舞

聖

面向外落簷
面朝上

師

退向正
身立

實

正

天

起身向前
轉向外舞

生

同裏
舞

德

合手謙進步向前
雙手合簷蹲謙

作

兩班相對自下而上
兩班相舉簷東西

樂

上下俱垂手性兩中
上下十二人俱垂手轉

身

東西
相向

以

轉身東西
相向立

崇

相向上兩班上
下以翟相簷

時

稍前舞蹈兩班上
下俱垂手向外

祀

向裏垂
手舞

無

合手謙進步向
前垂手合簷

數

回身再謙兩班上下
東西相向合簷立

清

稍前舞向
外開簷

酌舞向裏

惟雙手平執籥

馨合籥翟朝上正立

嘉側身垂左手兩班俱垂手向外舞

牲躬身正揖

孔雙手舞籥翟躬身

碩躬而受之躬身朝上拱籥受之一鼓而起

薦一叩頭舉右手叩頭

羞舉左手叩頭

神復舉右手叩頭

明拜一鼓畢即起躬身三鼓平身

庶三舞蹈舉籥向左右躬身舞

幾舉籥向左右躬身舞

昭舉籥復向左右躬身舞

恪拱籥躬身而受之

三狀

百向外開
籥舞

王向裏開
籥舞

宗側身向外
面朝山

師朝上
正立

生兩班上下兩
兩相對交籥

民合手朝
上正蹲

物側身向
裏落籥

軌合籥朝
上正立

瞻向外開
籥舞

之向裏開
籥舞

洋開籥朝
上正立

洋合
籥

神向外開
籥舞

其向裏開
籥舞

寧進步向前
雙手合籥

止回身東西
相向手謙

酌向外開
籥舞

彼向裏開
籥舞

金

開籥朝
上正立

壘

合籥朝
上正立

惟

向外垂
手舞

清

向裏垂
手舞

且

朝上
正揖

旨

躬身而
受之

登

躬身向左
合籥舞

獻

躬身向右
合籥舞

惟

躬身復向
左右籥

三

合籥朝上拜
一鼓便起身

於

側身向外
垂手舞

嚳

側身向裏
垂手舞

成

朝上
正揖

禮

躬身朝南受之
三鼓畢起身

樂舞生六十四名

歌章四人 鐘一人 磬一人 琴二人

瑟二人 簫二人 笛二人 排簫二人

笙二人 塤二人 篪二人 搏拊一人

大鼓一人 祝一人 敔一人 執麾一人

引節一人 司舞三十六人

康熙二十九年正月巡撫閩與邦裁定樂舞生六十
四名佾舞擇民間俊秀子弟爲之乾隆六年巡撫
雅爾圖聘請曲阜樂舞生三人來豫教習

丁祭陳設圖

左

白餅

黑餅

燭

榛

菱

芡

鹿脯
左邊

鹽

麩

棗

栗

羊

俎

燭

爵

和羹

銅

黍

稻

簋

聖位

大羹

鑿

中

稷

梁

簋

牛

帛

香案
祝文

爵

和羹

劍

稷

梁

簋

韭菹

醯醢

菹

麋醢

豕

俎

燭

爵

芹菹

兔醢

筍炙

魚醢
右豆

醢

醢

燭

酒尊

羊俎

左

榛

菱

芡

鹿脯

羞

燭

鹽

饗

棗

栗

稷劍

黍簋

稻簋

爵

配中位

帛香案

爵

鬯劍

稷簋

梁簋

爵

韭

醯

醢

醢

右
芹

兔醢

芻

魚醢

俎

燭

豕俎

左

栗

鹿脯

左邊

鹽

棗

黍

簋

哲位中

鬯

劍

稻

簋

藟

麇

芹

兔

豆

羊

俎

帛

香案

豕

俎

燭

爵

爵

爵

燭

右

左

榛

菱

芡

麩

左邊

燭

鹽

麩

棗

栗

燭

稷
劍

黍
簋

稻

爵

崇位中
聖

稷
劍

稷
簋

梁
簋

爵

韭

醯

醢

醢

燭

芹

醢

筍

醢

右

燭

燭

豕

帛香案祝文

爵

左

栗

麋脯

左邊

鹽

棗

黍

盤

燭

爵

配中
燕

脯

黍

香案

爵

棗

燕

燭

爵

棗

鹿脯

棗

兔脯

右邊

右

禮器 道光三年知縣永錫捐修

鼎十八個

爵二十六個

銅十個

簋十八個

簋十六個

犧尊六個

鬯尊六個

登一個

勺八個

酒盞百四十七個

黃綾幔一個

紅綾幔四個

燈匾二個

燈對二付

小燈匾二個

高照路燈十六對

木燭台十一對

木香爐十三個

樂器

嘉慶二十一年知縣楊兆李捐修

編鐘一架

鐘十六

編磬一架

磬十六

縣鼓一面

應鼓一面

祝一個

麾蓋柄一把

敵一個

琴一張

瑟一張

旌一對

節一對

干一面

羽一柄

笙一捧

簫一管

笛一枝

壎四個

干座一架

羽座一架

簫笛架一個

壎座四個

干上飄帶一根

笙簫笛總三付

笙座一個

學宮交代祭器樂器

歷年已久十不存一但載其目耳

白磁爵三十六

銅爵三十

登一

樽八

劍十一

簋三十

簋三十

籩一百二十二 豆一百二十二

帛篋二十四

牲俎二十九

肉盤八

磨 金鐘十六

玉磬十六

大鼓一

瑟一

排簫二

笙二

笛二

箎二

塤二

簫二

節二十六

搏拊二

祝一

敔一

琴二

羽三十六

籥三十六

儀注

案典禮先祭一日樂舞設於

大成殿外階上分左右懸至日五更正獻分獻陪祭各
官入廟至更衣所少憩贊引生請行禮正獻官出
次盥洗贊引生導正獻官分獻官由旁階自殿左
門入至拜位前北嚮立典儀贊執事官各司其事
文舞六佾進贊引生贊就位承祭分獻官就位立
典儀贊迎

神樂奏昭平之章樂作贊引生贊就上位位引承祭

官升階入殿左門贊詣

先師香案前跪承祭官跪俯伏贊上香司香跪捧香承
祭官三上香畢俯伏興贊復位引承祭官復位贊
引生贊跪叩興承祭官分獻官暨陪祀官行三跪
九叩禮興樂止典儀贊奠帛行初獻禮奏宣平之
章樂作舞羽籥之舞贊引生引承祭官升階贊詣
先師位前跪承祭官跪俯伏司帛跪捧篚承祭官受篚
拱舉奠於案司爵跪捧爵承祭官受爵拱舉奠於
壘中俯伏興贊引生贊就讀祝位引承祭官至殿

中拜位立贊跪承祭官分獻官暨陪祀官皆跪贊
讀祝司祝跪讀祝如儀承祭官分獻官暨陪祀官
均行三叩禮興贊引生引承祭官以次詣四配位
前跪奠帛獻爵儀同復位贊引生分引兩序分獻
官升東西階入殿左右門詣十二哲位前跪俯伏
奠帛獻爵俯伏興復位均如儀引兩廡分獻官分
詣先賢先儒位前奠帛獻爵儀同樂止亞獻奏秩
平之章樂作贊引生引承祭官升階贊詣

先師暨四配位前奠爵於左如初兩序兩廡分獻畢均

復位樂止終獻奏叙平之章樂作贊引生引承祭
官升階奠爵於右如亞獻儀兩序兩廡隨分獻畢
均復位樂止文舞退典儀贊飲福受胙贊引生贊
諸受福胙位引承祭官至殿中拜位立捧福胙二
人自東案捧福胙至

先師位前拱舉退立於承祭官之右接福胙二人自西
案進立於左贊引生贊跪承祭官跪贊飲福酒右
一人跪遞福酒承祭官受爵拱舉授於左次受胙
如飲福之儀贊叩承祭官三叩興贊復位引承祭

汾陽縣志 卷四
三
官復位贊跪叩興承祭官分獻官暨陪祀官均行
三跪九叩禮典儀贊徹饌奏懿平之章徹饌畢
樂止贊送

神奏德平之章樂作贊引生贊跪叩興承祭官分獻
官暨陪祀官行三跪九叩禮典儀贊捧祝
帛饌送燎有司各捧祝帛香饌恭送燎所如儀承
祭官避立拜位西旁踈過復位樂作贊引生引承
祭官詣燎所視燎畢樂止陪祀各官皆退

謹按則例不隸省會之府州縣長官正獻兩序以

其貳及所屬兩廡以食餼學弟子員各一人分獻
崇聖祠同時致祭教諭正獻兩序訓導分獻兩廡皆
皆食餼學弟子各一人分獻行禮儀節承祭官拜位
在階下分獻官拜位在承祭官後讀祝拜位在殿
中門檻內均北面不用樂舞凡上香迎神奠帛奠
爵讀祝徹饌送神視燎行禮均如致祭先師儀

文廟祭文

乾隆九年頒發

惟先師德隆千聖道冠百王揭日月以常行自生
民所未有屬文教昌明之會正禮和樂節之時辟

雍鐘鼓咸恪薦於馨香泮水膠庠益致嚴於遵豆
茲當春秋仲祗率彝章肅展微忱聿將祀典尙饗

崇聖祠祭文

惟王奕葉鍾祥光開聖緒盛德之後積久彌昌凡
聲教所覃敷率循源而溯本宜肅明禋之典用申

守土之忱茲屆春秋仲聿修祀事尙饗按續通志云
乾隆二十五

年巡撫胡寶瑛通行
縣官公出教官代祭

聖廟典史不
得代祭

大清會典凡直省府州縣月朔釋菜望日上香以教授
或教諭訓導等官分班行禮與太學同 大學釋

菜之禮朔日夙興潔掃內外展神幄拂拭神案陳
棗栗各一豆鑪一盞二設案一於殿內之東陳香
盤七尊一每位爵一又設案於東西兩廡之南各
陳香盤三尊一每位爵一舞帛篚尊實酒冪勺具
司香司爵立於案旁設洗於階下之東通贊二人
立於殿內東西楹又二人立於殿外東西階上皆
公服質明祭酒朝服諸生吉服由大成東側門入

及廟庭各就位行三跪九叩禮祭酒詣東階盥升
東階入殿左門詣神位前跪三上香詣尊案前視
注酒復詣神位跪獻爵興以次詣四配位前皆如
之分獻者詣兩序兩廡如其儀降復位行三跪九
叩禮 上香之禮拂拭神案然鐙設香盤於殿內
及兩廡各案司香各一人立於案前設洗於階東
質明各官就位如釋菜儀司業盥升東階入殿左
門詣神位前跪三上香以次詣四配位如之分詣
兩廡兩廡皆如之降復位行三跪九叩禮

謁廟禮

唐時鄉貢宋時貢舉人皆謁先師明新舉人更衣謁學然後赴鹿鳴宴官員蒞任三日謁學行香諸生講書任滿陞遷辭廟然後解任其新生謁學亦始於明禮如上香

誕辰

雍正五年制八月二十七日恭遇

先師誕辰王公百官致齋一日各衙門不理刑名民間禁止屠宰

忠孝節義名宦鄉賢等祠

四祠二月八月與文廟同日祭

會典及

欽定禮部則例凡直省府州縣

文廟

左右建忠義孝弟祠以祀本地忠臣義士孝子悌弟順孫建節孝祠以祀節孝婦女名宦祠以祀仕於其土有功德者鄉賢祠以祀本地德行著聞之士地方官歲以春秋致祭

儀注

每歲春秋釋奠禮畢教諭一員公服詣祠致祭是

一邊四豆四鑪一鐙二陳祝文於案左陳壺一爵
三帛一香盤一於案右主祭官行三叩禮

忠義孝弟祠祭文

惟靈稟賦貞純躬行篤實忠誠奮發貫金石而不
渝義問宣昭表鄉閭而共式祇事懋彝倫之大性
摯蒿莪克恭念天顯之親情殷棣萼模楷咸推夫
懿德 綸恩特闡其幽光祠宇維隆歲時式祀用
陳簋簋來格几筵尙饗

節孝祠祭文

惟靈純心皎潔令德柔嘉矢志完貞全閨中之亮
節竭誠致敬彰壺內之芳型茹冰蘖而彌堅清操
自勵奉盤匝而匪懈篤孝傳綬 絲綸特沛乎殊
恩祠宇昭垂於令典祇循歲祀式薦奠醪尙饗

竇公祠

二月八月與文廟同日祭

文廟土地祠

二月八月與文廟同日祭

文昌廟

陳設

春秋仲月諏吉致祭前殿帛一牛一羊一豕一罋
一劔二簋二簋二籩十豆十尊一爵三鑪一罍二
和磬署設樂後殿祭追封三代公三案各帛一
羊一豕一劔二簋各二籩豆各八尊一爵三鑪
一罍二

儀注

祭日前後殿主祭官咸朝服詣廟前殿行三跪九

汾陽集元 卷四 三
叩禮後殿行二跪六叩禮

祭文

惟神神功赫奕聖德昭明位分天象職司台衡朱
衣赤舄耀於七星贊元開化啟秀育英普天欽仰
斯文丕與今屆仲春秋虔薦豆登尙饗

嘉慶六年奉

上諭文昌帝君主持文運福國佑民崇正教闢邪說靈
蹟最著海內崇奉與關聖大帝相同宜列入祀典
月光文治著交禮部太常寺將每歲春秋致祭之

典及一切儀文倣照關帝廟定制

文昌先代祭文

祭引先河之義禮崇反本之思矧夫世德彌光延
賞斯及祥鍾累代炯列宿之精靈化被千秋爲人
文之主宰是尊後殿用答前庥茲值仲春肅將時
事用申告潔神其格歆尙饗

關帝廟 乾隆四十一年奉

上諭關帝在當時力扶炎漢志節凜然乃史書所論並
非嘉名陳壽於蜀漢有嫌所撰三國志多存私見

遂不爲之論定豈得謂公從前

世祖章皇帝曾降

諭旨封爲忠義神武大帝以褒揚盛烈朕復於乾隆三

十二年降旨加靈佑二字用示尊崇夫以神之

義烈忠誠海內咸知敬事而正史猶存舊諡隱寓

譏評非所以傳信萬世也今當鈔錄四庫全書不

可相沿陋習所有志內關帝之諡應改爲忠義本

傳相沿已久民間所行必廣難於更易著交武英

殿將此旨刻載傳未用垂久遠其官板及內府

陳設書籍並著改刊此旨一體增入乾隆六十年奉旨所有各寺廟供奉關聖神位以及匾額內有勅封字樣者殊非敬神之義著將此二字節去嘉慶十九年奉旨加仁勇二字道光八年奉旨加威顯二字

陳設

春秋仲月及仲夏中旬三日均祀關帝與京師祭關帝儀同致祭前殿帛一牛一羊一豕一盞一劖二簋二簋二遵十豆十尊一爵三鑪一燈

卷四
三
二後殿祭追 封三代公三案各帛一羊一豕一
鉶二簠簋各二籩豆各八尊一爵三鑪一燈二
儀注

祭日前後殿主祭官咸朝服詣廟前殿行三跪九
叩禮後殿行二跪六叩禮

祭文

惟

帝浩氣凌雲丹心貫日扶正統而彰信義威振九
州完大節以篤忠貞名高三國神明如在徧祠宇

於寰區靈應丕昭薦馨香於歷代屢徵異蹟顯佑
羣生恭值良辰遵行祀典遙陳遵豆几奠牲醪尙
饗

關帝先代三公祭文

惟公世澤貽庥靈源積慶德能昌後篤生神武之
英善則歸親宜享尊崇之報列上公之封爵錫命
優隆合三世以肇禋典章明脩恭逢諏吉祇事薦
馨香饗

社稷壇

二月八月上戊日致祭

陳設

羊一豕一尊一每位各帛一劍二簠二簋二籩二邊四
豆四爵二

儀注

祭日主祭官行三跪九叩禮

祭文

惟神奠安九土粒食萬邦分五色以表封圻育三
農而蕃稼穡忝承守土肅展明禋時屆仲春敬修

祀典庶九九松栢鞏盤石於無疆翼翼忝苗佐神

倉於不匱尙饗

風雲雷雨壇 二月八明上戊日致祭

境內山川壇 二月八明上戊日致祭

祭文 已上二壇同文

惟神贊襄天澤福佑蒼黎佐靈化以流形生成永
賴乘氣機而鼓盪溫肅攸宜磅礴高深長保安貞
之吉憑依鞏固實資捍禦之功幸民俗之殷盈仰
神明之庇護恭修歲祀正值良辰敬潔豆籩祗陳
牲幣尙饗

先農壇

禮部則例直省耕藉雍正四年議准奉天直隸各省於該地方擇地爲藉田以雍正五年爲始每歲仲春府尹督撫及府州縣衛所等官率所屬耆老農夫行耕藉禮該督撫將設立藉田畝數報明戶部禮部存案五年議準直省各擇東郊官地潔淨豐腴者立爲藉田如無官地動支帑銀置買民田以四畝九分爲藉田每歲耕藉之日祭先農禮畢各官咸易蟒袍補服州縣正印官乘耒佐貳執

青箱播種專城衛所正印官秉耒如無屬員卽選
擇耆老執青箱播種耕時用耆老一人牽牛農夫
二人扶犁悉照九卿之例九推九返農夫終畝

祭文

惟神肇興稼穡粒我烝民頌思文之德克配彼天
念率育之功陳常時夏茲當東作咸服先疇洪惟
九五之尊歲舉三推之典恭膺守土敢忘勞民謹
奉靈章聿修祀事惟願五風十雨嘉祥恒沐於神
庥庶幾九穗雙岐上瑞頻書於大有尙饗

八蜡祠

二月八月上戊日致祭

劉猛將軍

乾隆二年合祀於八蜡廟中

祭文

於惟尊神實司歲功驅螯斂膳五穀乃豐茲當歲
禴虔其犧牲神其保佑惠此生靈尙饗

龍神廟

二月八月諏日致祭

祭文

惟神德洋寰海澤潤蒼生允襄水土之平經流順
軌廣濟泉源之用膏雨及時績奏安瀾占大川之

利涉功資育物欣庶類之蕃昌仰藉神庥宜隆報
享謹遵祀典式協長辰敬布几筵肅陳牲醴尙冀
城隍廟 每月朔望日行香
五月二十七日祭

邑厲壇

會典直省府州縣每歲三月清明節七月望日十
月朔日祭壇於城北郊咸奉城隍神主之

魁星閣

二月八月與文昌廟同日祭

呂祖閣

嘉慶十一年禮部議准加封調元贊運尊號定於

二月八月諏日致祭其應用祭品仿會典真武廟
之例用蔬果等物果品五盤

荔支 核桃 圓眼
康 栗

真武廟

九月初九日祭

東嶽廟

三月二十八日祭

火神廟

正月初八日六月二十三日兩祭

縣衙土地祠

六月初六日祭

嶽神廟

冬至日祭

蕭曹廟

三月八日祭

馬王廟

六月二十三日祭

倉神廟

三月二十八日祭

芒神

每歲立春日祭

旌纛神

端午霜降日兩祭